

ხელშეკრულება № 2023-04/178
სახელმწიფო შესყიდვის შესახებ

2023 წლის 28 აპრილი

ქ. თბილისი

ერთი მხრივ, სსიპ – ილიას სახელმწიფო უნივერსიტეტი, ადმინისტრაციის ხელმძღვანელის ქეთევან ლაკირბაია_ს სახით (შემდგომში: „შემსყიდველი“)

მისამართი: ქ. თბილისი, ქ. ჩოლოყაშვილის გამზ. №3/5

საიდენტიფიკაციო კოდი: 204861970

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22

მეორე მხრივ შპს „გამომცემლობა სამშობლო“, დირექტორის ეკა კაკაურიძე სახით (შემდგომში: „მიმწოდებელი“)

მისამართი: ქ. თბილისი, რობაქიძის 7

საიდენტიფიკაციო კოდი: 400036527

საბანკო რეკვიზიტები: თიბისი ბანკი, ბანკის კოდი: TBCBGE22, ა/ა: GE44TB7290636080100001

სსიპ – ილიას სახელმწიფო უნივერსიტეტმა პოლიგრაფიული მომსახურების (წიგნის ბეჭდვა) შესყიდვის მიზნით 2023 წლის 04 აპრილს გამოაცხადა **NAT230007607** ელექტრონული ტენდერი, სადაც გამარჯვებულად მიჩნეულ იქნა შპს „გამომცემლობა სამშობლო“. „სახელმწიფო შესყიდვების შესახებ“ საქართველოს კანონის შესაბამისად, FR-19-1759 - ეთნიკური ჯგუფები და მათი პერიოდული გამოცემები საქართველოში 1819-1921 წლებში - გრანტი - სსიპ შოთა რუსთაველის საქართველოს ეროვნული სამეცნიერო ფონდი - ეკა ჭყიძე - სსიპ შოთა რუსთაველის საქართველოს ეროვნული სამეცნიერო ფონდი - 09-03-2020 - 13-04-2023 ვდებთ ამ ხელშეკრულებას შემდეგზე:

1. ხელშეკრულების საერთო პირობები

1.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1 **ხელშეკრულება სახელმწიფო შესყიდვის შესახებ** – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ;

1.1.2 **ხელშეკრულების ღირებულება** – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის;

1.1.3 **შემსყიდველი** – ორგანიზაცია (დაწესებულება), რომელიც ახორციელებს შესყიდვას;

1.1.4 **მიმწოდებელი** – პირი, რომელიც ახორციელებს ხელშეკრულებით გათვალისწინებული საქონლის მიწოდებას;

1.1.5 **შესყიდვის ობიექტი** – ხელშეკრულების მე-2 მუხლით გათვალისწინებული ხელშეკრულების საგანი;

1.1.6 **სატენდერო დოკუმენტაცია** – **NAT230007607** ელექტრონული ტენდერის სატენდერო დოკუმენტაცია, რომელიც შესაძლოა დანართის სახით არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.

1.1.7 **ტექნიკური დოკუმენტაცია** – მიმწოდებლის მიერ **NAT230007607** ელექტრონულ ტენდერში წარმოდგენილი ტექნიკური დოკუმენტაცია, რომელიც დანართის სახით შეიძლება არ დაერთოს ამ ხელშეკრულებას, მაგრამ წარმოადგენს მის განუყოფელ ნაწილს;

1.1.8 **დღე, კვირა, თვე** – კალენდარულ დღე, კვირა, თვე თუ წინამდებარე ხელშეკრულებით სხვა რამ არ არის გათვალისწინებული.

2. ხელშეკრულების საგანი

2.1 ხელშეკრულების საგანს წარმოადგენს - წიგნის ბეჭდვა, რომლის რაოდენობა და ტექნიკური მახასიათებლები მოცემულია ფასების ცხრილში (დანართი №1) რაც წარმოადგენს ხელშეკრულების განუყოფელ ნაწილს და მოქმედებს მასთან ერთად რაც თან ერთვის ამ ხელშეკრულებას, როგორც მისი განუყოფელი ნაწილი (CPV: 79800000 - ბეჭდვა და მასთან დაკავშირებული მომსახურებები).

3. მხარეთა მოვალეობები

3.1 მიმწოდებელი ვალდებულია:

3.1.1 გადასცეს შემსყიდველს ამ ხელშეკრულების მე-2 მუხლში მითითებული ნივთობრივად და უფლებრივად უნაკლო საქონელი;

3.1.2 თუკი ხელშეკრულების მე-2 მუხლით გათვალისწინებულ საქონელს აღმოაჩნდება რაიმე ნაკლი მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი, ან შეცვალოს იგი თავისი ხარჯით.

3.2 მიმწოდებელი უფლებამოსილია:

3.2.1 მოსთხოვოს შემსყიდველს შესყიდვის ობიექტის/საგნის ღირებულების ანაზღაურება ამ ხელშეკრულებით გათვალისწინებული პირობების შესაბამისად.

3.3 შემსყიდველი ვალდებულია:

3.3.1 მოახდინოს ანგარიშსწორება მიმწოდებელთან ხელშეკრულებით გათვალისწინებული პირობებით;

3.3.2 უზრუნველყოს შესყიდვის საგნის მიღება.

3.4 შემსყიდველი უფლებამოსილია:

3.4.1 მოსთხოვოს მიმწოდებელს ხელშეკრულებით ნაკისრი ვალდებულებების ჯეროვანი შესრულება.

4. ხელშეკრულების ღირებულება

4.1 ამ ხელშეკრულებით გათვალისწინებული მომსახურების ერთეულის ფასები მოცემულია თანდართულ გასაწევი მომსახურების ხარჯთაღრიცხვაში (დანართი №2), რაც წარმოადგენს ხელშეკრულების განუყოფელ ნაწილს და მოქმედებს მასთან ერთად.

4.2 ხელშეკრულების ჯამური ღირებულება შეადგენს **1625** (ათას ექვსას ოცდახუთი ლარი) ლარს.

4.3 ამ ხელშეკრულების ჯამური ღირებულება მოიცავს მიმწოდებლის მიერ გასაწევ ყველა ხარჯს, მათ შორის კანონმდებლობით გათვალისწინებულ ყველა გადასახადს.

5. ანგარიშსწორების წესი

5.1 ანგარიშსწორებისთვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია, მიაწოდოს შემსყიდველს შესაბამისი ფინანსური დოკუმენტაცია (სასაქონლო ზედნადები, საგადასახადო ანგარიშ-ფაქტურა). ანგარიშსწორება განხორციელდება საქონლის მოწოდების შესახებ მხარეებს შორის მიღება-ჩაბარების აქტის გაფორმებიდან და მიმწოდებლის მხრიდან შესაბამისი ფინანსური დოკუმენტაციის წარდგენიდან 10 (ათი) სამუშაო დღის განმავლობაში.

5.2 ანგარიშსწორების ვალუტა – ლარი.

5.3 გადახდის ფორმა – უნაღდო.

6. შესყიდვის ობიექტის მიწოდების ადგილი, ვადები და მიღება-ჩაბარების წესი

6.1 ხელშეკრულებით გათვალისწინებული პირობების შესაბამისად, მიმწოდებელმა მომსახურების გაწევა განახორციელოს **16-05-2023** ჩათვლით.

6.2 შესყიდვის საგანი ჩაითვლება მიღებულად მას შემდეგ რაც მხარეებს შორის გაფორმდება მიღება-ჩაბარების აქტი. მომსახურების გაწევის შესახებ. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს **სსიპ ილიას სახელმწიფო უნივერსიტეტის - გამომცემლობის მთავარი სპეციალისტი (შესყიდვები), რუსუდან გიორგაძე**

7. ხელშეკრულების მოქმედების ვადები

7.1 ეს ხელშეკრულება ძალაში შედის მხარეების უფლებამოსილი წარმომადგენლების მხრიდან ხელმოწერის დღიდან და მოქმედებს **30-06-2023** ჩათვლით,

8. ხელშეკრულების ინსპექტირება

8.1 შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2 ამ მუხლის პირველი პუნქტით გათვალისწინებული კონტროლის და ზედამხედველობის განხორციელება შემსყიდველის მხრიდან ევალება **სსიპ – ილიას სახელმწიფო უნივერსიტეტის - შესყიდვების სამსახურის უფროსს თეიმურაზ მაღრაძეს.**

9. ხელშეკრულების შეწყვეტა

9.1 წინამდებარე ხელშეკრულება შეიძლება შეწყვეტილ იქნეს:

ა) ხელშეკრულებით ნაკისრი ვალდებულებების შესრულებით;

ბ) მხარეთა შეთანხმებით;

გ) მხარეების მიერ ხელშეკრულებით ნაკისრი ვალდებულებების შეუსრულებლობით;

დ) საქართველოს კანონმდებლობით გათვალისწინებულ სხვა შემთხვევებში.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10. მხარეთა პასუხისმგებლობა

10.1 მხარეების მიერ ამ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

10.2 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.3 ხელშეკრულებიდან გასვლის შემთხვევაში შემსყიდველი უფლებამოსილია, ამ ხელშეკრულებით ნაკისრი ვალდებულების შეუსრულებლობის გამო დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

10.4 რომელიმე მხარის მიერ ამ ხელშეკრულებით გათვალისწინებული ვალდებულების შეუსრულებლობის, ან ვალდებულების შესრულების ვადების დარღვევის შემთხვევაში მეორე მხარე უფლებას იტოვებს, მოითხოვოს დამრღვევი მხარისგან, ხოლო ამ

შემთხვევაში დამრღვევი მხარე ვალდებულია გადაიხადოს პირგასამტეხლო შეუსრულებელი ვალდებულების 0,02%-ის ოდენობით ყოველ ვადაგადაცილებულ დღეზე.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, ეს შეუსრულებლობა გამოწვეულია ფორს-მაჟორული გარემოებებით.

11.2 ამ მუხლის მიზნებისთვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო ხელშეკრულებით განსაზღვრული ვალდებულებების შესრულება, ან ჯეროვანი შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვა).

11.3 ფორს-მაჟორული გარემოებების დადგომისას, ამ ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუკი შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების და ღირებულების გადასინჯვა

12.1 სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.2 ამ ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულებაში ცვლილებებისა და დამატებების შეტანის წესი

13.1 ამ ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

13.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების ინიციატორი ვალდებულია, ამის შესახებ წერილობით შეატყობინოს მეორე მხარეს.

13.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

14. ხელშეკრულების შესრულების შეფერხება

14.1 თუკი ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. დავების გადაჭრის წესი

16.1 ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს საქართველოს სასამართლო.

16. დასკვნითი დებულებები

16.1 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღეს და წელს.

16.2 წინამდებარე ხელშეკრულება შედგენილია ელექტრონული ფორმით ქართულ ენაზე.

მხარეთა ხელმოწერები

შემსყიდველი:

სსიპ –ილიას სახელმწიფო უნივერსიტეტი

ქეთევან ლაკირაია

ადმინისტრაციის ხელმძღვანელი

მიმწოდებელი:

შპს „გამომცემლობა სამშობლო“

ეკა კაკაურიძე

დირექტორი



წინამდებარე ხელშეკრულება მხარეების მიერ ხელმოწერილია კვალიფიციური ელექტრონული ხელმოწერით „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების

შესაბამისად.

დანართი №1
ფასების ცხრილი

№	შესყიდვის ობიექტის დასახელება	განზომილების ერთეული	CPV კოდი	რაოდენობა	ერთეულის ფასი (ლარი)	საერთო ღირებულება (ლარი)
1	წიგნის ბეჭდვა ზომა - 160 × 240 მმ, გვერდების რაოდენობა - 292, ფერადი გვერდები - 6; ყდა - ფერადი.	მომსახურება	79800000 - ბეჭდვა და მასთან დაკავშირებული მომსახურებები	250	6,5	1,625.00
	სულ:					1,625.00

შემსყიდველი:
სსიპ –ილიას სახელმწიფო უნივერსიტეტი

ქეთევან ლაკირბაია
ადმინისტრაციის ხელმძღვანელი

მიმწოდებელი:
შპს „გამომცემლობა სამშობლო“

ეკა კაკაურიძე
დირექტორი

